

VA NA NA RITO

XIRHAMBO XA VAAKI KU NGHENELELA EKA SAMITI YA MADZOLONGA LAMA FAMBELANAKA NA MITLAWA YA SWIGEVENGA YA PALAMENDE

Komiti yo Hoxa Tihlo ya Huvo ya Rixaka ya swa Maphorisa yi rhamba miganga leyi khumbhekaka, vaaki, vaxanisiwa hi vugevenga, mihlangano leyi simekiweke eka vaakindhawu, mihlangano ya vukhongereri, mihlangano ya vantshwa, valavisisi, mihlangano ya vaaki, mabindzu na vatekaxiave hinkwavo lava nga na ku tsakela ku nghenelela eka Samiti ya Madzolonga lama fambelanaka na Mitlawu ya Swigevenga ya Palamende leyi vumbaka xiphemu xa Vulavisisi bya Palamende eka Madzolonga lama fambelanaka na Mitlawu ya Swigevenga.

Samiti yi ta nyika pulatifomo ya nkoka eka vanhu na miganga leyi khumbhekaka ku tihlanganisa hi ku kongoma na Palamende hi mayelana na muxaka, swivangelo, ntshikelelo na switandzhaku swa madzolonga lama fambelanaka na mitlawu ya swigevenga na migingiriko ya vugevenga lebyi hlelekeke. Komiti ngopfungopfu yi khutaza vanhu na vaakindhawu lava nga na ntokoto lowu khomekaka wa madzolonga ya mitlawu ya swigevenga ku nghenelela na ku avelana mitokoto ya vona, swivilelo na swiringanyeto leswi kongomisiweke eka ku antswisa vuhlayiseki bya vaakindhawu na ku tiyisisa ku hlamula ka Mfumo eka madzolonga lama fambelanaka na mitlawu ya swigevenga.

Komiti yi rhamba ku hoxa xandla na ku burisana hi mayelana na timhaka leti katsaka, naswona a ti siyi ndzhaku:

- a) Swivangelo na swihlohloteri swa madzolonga lama fambelanaka na mitlawu ya swigevenga na migingiriko ya vugevenga lebyi hlelekeke;
- b) Ntshikelelo wa madzolonga lama fambelanaka na mitlawu ya swigevenga ekavaakindhawu, mindyangu, swikolo, mabindzu, vukorhokeri bya nhlayiso wa rihanyo, na vun'we bya vaaki;
- c) Mintlhonthlo leyi fambelanaka na vuphorisa, vukungundzwana, vunhlorhi bya vugevenga, vulavisisi, vuchuchisi na tinhlamulo to anama ta vululami bya vugevenga;
- d) Mapfhumba ya vuhlayiseki bya vaakindhawu, minongonoko yo sivela madzolongu na vutirhisani exikarhi ka vaakindhawu na Mfumo;
- e) Ntshikelelo wa vugevenga eka vana, vantshwa, vamanana na swirho swin'wana swa vaaki leswi nga sirhelelekangiki; na

- f) Ku cinca ka milawu, pholisi, nhlango kumbe matirhelo loku lavekaka ku tiyisisa ku sivala vugevenga, vuhlayiseki bya vaaki na ku hlamula ka Mfumo eka madzolongama lama fambelanaka na mitlawu ya swigevenga.

Vuxokoxoko bya Samiti

Siku: 19 Mhawuri 2026

Nkarhi: 09:30 – 17:00

Ndhawu: ePalamende, Cape Town

Vanhu na mihlangano leyi nga na ku tsakela va khutaziwa ku kombisa xikongomelo xa vona xo va kona naswona, laha swi kotekaka, ku yisa vuxokoxoko byihi kumbe byihi lebyi faneleke, swibumabumelo leswi tsariweke, kumbe timhaka leti va lavaka ku ti boxa Samiti yi nga se sungula kumbe hi nkarhi wa yona. Hambiswiritano, ku sungula hi ku titsarisa kumbe swibumabumelo leswi tsariweke, a hi xilaveko xo boha xo nghenelela.

Vatekaxiave lava nga ta nghenela Samiti va ta boheka ku titsarisa loko va fika ePalamende.

Mafambiselo ya Samiti ya ta pfuleriwa vaaki na vuhangalasamahungu, ku ya hi milawu ya Palamende, vuswikoti byo rhurhela bya ndhawu, ku tekeriwa enhlokweni vuhlayiseki na swilaveko swa matirhelo.

Mafambiselo ya Samiti, xikan'we na swibumabumelo swihi kumbe swihi swa nomu kumbe leswi tsariweke leswi amukeriweke swi nga rhekhodiwa no tsariwa hi swikongomelo swo veka tihlo swa Palamende, ku vika na ku tivisa vulavisisi bya Komiti, leswi kumiweke na swibumabumelo.

Swibumabumelo swi fanele ku amukeriwa ku nga si hundza awara ya 16:00 hi Ravuntlhanu, **7 Mhawuri 2026 (siku ro pfala)**. Mi komberiwa u kombisa ku tsakela ka n'wina ku hlamusela hi nomu eka Komiti.

Swivutiso swi nga kongomisiwa eka Manana B Mbengo eka 0837098489. Swibumabumelo swi fanele ku rhumeriwa hi imeyili eka gangviolenceinquiry@parliament.gov.za kumbe endzela webusayiti ya Palamende eka www.parliament.gov.za.

Xi humesiwile hi Tatana I Cameron, Xirho xa Palamende

Mutshamaxitulu: Komiti yo Hoxa Tihlo ya Huvo ya Rixaka ya swa Maphorisa